

1. UVOD

Nastanak Evropske Unije¹ počinje po završetku Drugog svjetskog rata potpisivanjem Briselskog pakta 17. marta 1948. godine između Velike Britanije, Francuske i zemalja Beneluksa pod prvobitnim nazivom „Zapadnoevropska unija“. Međutim tek devet godina kasnije 1957. godine u Rimu, potpisan je Ugovor o osnivanju Evropske ekonomske zajednice, a sadašnji naziv Evropska Unija dobija u Mاستrihtu 1992. godine. Potpisivanjem Mاستrihtskog ugovora Evropska Unija donosi novine u sljedećim područjima: razvoj ekonomske i monetarne unije, jačanje institucija EU, definisanje zajedničke spoljne i bezbjednosne politike.

Uvidjevši potrebu i opravdani ekonomski interes za proširenjem zemlje članice Evropske unije počinju da izgrađuju institucije i izdvajaju značajna finansijska sredstva kako bi pomogle zemljama-budućim članicama da u što kraćem vremenskom periodu prilagode kako svoje državno uređenje i pravni sistem tako i privredu prije ulaska na evropsko tržište. Zato postoje pretpristupni fondove EU. Pretpristupni fondovi su programi pomoći EU namijenjeni državama kandidatima u procesu pristupanja u Evropsku uniju. Cilj pretpristupnih fondova je podrška državama kandidatima u ispunjavanju kriterija za članstvo, posebno u usklađivanju zakonodavstva države kandidata sa zakonodavstvom Evropske unije te za njihovo osposobljavanje da kao članice EU mogu efikasno ispunjavati svoje obaveze. Pretpristupni fondovi su ključni dio pretpristupne strategije, te su obično usklađeni s pristupnim partnerstvom. Javne nabavke² u Evropskoj uniji predstavljaju značajno tržište. Konkurentna praksa u javnim nabavkama je ključ za efikasnu javnu potrošnju. Konkurentni i transparentni postupci nabavke pomažu javnim organima da nabavljaju proizvode i usluge boljeg kvaliteta za nižu cijenu. Usklađivanje državnih sistema javnih nabavki zemalja članica je jedan od najbitnijih instrumenata za postojanje internog tržišta i uklanjanje prepreka za slobodnu trgovinu unutar EU.

Otvoreni, nediskriminatorni i transparentni postupci takođe podržavaju pozitivnu konkurentnost među firmama koje posluju na tržištu javnih nabavki. Biti zemlja članica

¹ Evropska unija danas broji 27 zemalja članica.

² Javna nabavka podrazumjeva obezbjeđivanje opreme usluga i javnih radova od strane vlade i javnih komunalnih službi.

Evropske unije ili se spremati da se to postane svakako znači težiti da se nađete u društvu najboljih „timova“ starog kontinenta.